

## Drugi Pododbor za poljoprivredu i ribarstvo u okviru SSP-a između EU i BiH

25.10. 2017.

Sarajevo

### Preporuke

#### Poljoprivreda i ruralni razvoj (Poglavlje 11.)

1. EU pozitivno ocjenjuje smanjenje ukupnog trgovinskog deficita BiH. Ovo je rezultat povećanja izvoza prerađenih poljoprivrednih proizvoda iz BiH u EU, kao i smanjenja izvoza EU u BiH (osnovnih i prerađenih).
2. Iako EU pozitivno ocjenjuje nepostojanje značajnijih razlika u ukupnoj trgovinskoj statistici, preporuka je da se razgovori u vezi određenim proizvodima kod kojih i dalje postoje značajne razlike (na primjer, za šećer) nastave.
3. EU pozdravlja izradu cijelodržavne strategije za ruralni razvoj i poziva sve relevantne organe vlasti da ubrzaju proces njenog usvajanja. EU je obavijestila da su za ovaj sektor uključujući sigurnost hrane, veterinarska i fitosanitarna pitanja, planirana značajna sredstva iz IPA-e, što je uslovljeno usvajanjem strategije do kraja 2017. godine. EU pozdravlja informacije saopštene na sastanku Pododbora prema kojima će Vlada Republike Srpske dati mišljenje na koje se čeka. Od Brčko Distrikta se isto tako traži da hitno da mišljenje kako bi Vijeće ministara BiH i Parlamentarna skupština BiH mogli da krenu u proces usvajanja.
4. EU ponovo poziva BiH da nastavi aktivnosti na poljoprivrednom popisu i podsjeća da je ovo statističko pitanje za koje je - i unutar EU - nadležan Ured za statistiku EU (EStat), a ne Generalna direkcije za poljoprivredu (DG AGRI). Preporuka je da se u ovom pogledu slijedi Zakon o popisu stanovništva BiH.
5. EU poziva BiH da bez odlaganja usvoji zakon o vinu na državnom nivou, u skladu sa EU *acquis*-em. Entitetski zakoni o vinu moraju biti usklađeni sa zakonom na državnom nivou.
6. EU pozdravlja napredak u vezi sa pravilnikom o geografskim oznakama i poziva BiH da završi proces usvajanja.
7. Iako je EU primila k znanju usvajanje zakona FBiH o poljoprivrednoj organskoj proizvodnji, iskazano je žaljenje zbog nedostatka napretka u usvajanju zakona o organskoj proizvodnji na državnom nivou.
8. EU podsjeća da je potrebno usaglasiti poljoprivredne informacione sisteme u cijeloj BiH.
9. EU pozdravlja činjenicu da je trgovinski spor sa Hrvatskom o naknadama za uvoz voća i povrća riješen na način da je Hrvatska povukle mjere koje Komisija smatra neopravdanim.
10. Što se tiče trgovinskog spora u vezi sa izvozom vina u Hrvatsku, EU je obavijestila da su u vezi sa pravilnikom o uvozu vina preduzeti prvi koraci protiv Hrvatske kroz tzv. pilot proceduru EU, što je prvi korak u postupku za kršenje zakonodavstva EU.
11. Što se tiče popisa geografskih oznaka, Komisija potvrđuje da hrvatske vlasti trenutno imaju pravo da zahtijevaju ponovno označavanje vina. Međutim, da bi se izbjegli problemi u budućnosti, Komisija se obavezaju da ispravi izraz u *E-Bacchus*-u koji je, nažalost, preveden u gotovo svim jezičkim verzijama SSP-a (Srednja

Neretva je prevedena kao Middle Neretva), kao i da razmotri izmjene SSP-a pri čemu bi zastarjeli popisi geografskih oznaka u Protokolu 7. SSP-a bili zamijenjeni novima.

12. Što se tiče “tradicionalnih izraza”, Komisija potvrđuje da je tačno da nazivi za koje hrvatske vlasti tvrde da nisu u skladu sa nazivima koje koriste operatori u BiH nisu registrovani u EU. Iz tog razloga, Komisija EU će nastaviti razgovore sa hrvatskim vlastima.

### Ribarstvo (Poglavlje 13.)

1. EU ohrabruje BiH da usvoji strategiju za sektor ribarstva i uskladi svoje zakonodavstvo sa *acquis*-em.
2. EU poziva Bosnu i Hercegovinu da potpiše Maltešku deklaraciju MedFish4Ever kako je ranije najavljeno.
3. EU je primila k znanju zahtjev za buduću tehničku pomoć kako bi se podržalo usklađivanje sa *acquis*-em u sektoru ribarstva.

### Sigurnost hrane, veterinarska i fitosanitarna politika (Poglavlje 12.)

1. EU ponovo poziva na usvajanje paketa zakona o sigurnosti hrane i veterinarstvu na državnom nivou. Potrebno je unaprijediti i institucionalne kapacitete u ovim sektorima.
2. EU pozdravlja pristupanje BiH Međunarodnoj konvenciji o zaštiti novih sorti bilja (UPOV konvencija).
3. EU izražava spremnost da nastavi pružati pomoć u vakcinaciji protiv bolesti kvrgave kože. Pozdravljen je dobar opseg vakcinacije postignut u BiH.
4. EU je informisala o nekoliko predstojećih regionalnih TAIEX radionica koje se bave novim dešavanjima u oblasti veterinarskog i fitosanitarnog *acquis*-a.
5. EU je primila k znanju zahtjev za nastavak pomoći iz IPA-e u oblasti sigurnosti hrane, veterinarstva i fitosanitarne politike i podsjeća na potrebu usvajanja Strateškog plana za ruralni razvoj BiH.
6. EU je takođe primila k znanju da BiH namjerava podnijeti zahtjev za dobijanje dozvole za izvoz pasterizovanog svježeg mlijeka i mliječnih proizvoda (Uredba Komisije (EU) br. 605/2010, Aneks I, kolona B).